

В Неделю всех русских святых

Канон

Поем каноны сице: Октоиха — воскресный 1-го гласа со ирмосом на 4 и Богородицы на 2; канон Всех русских святых, глас 8, на 8.

Песнь 1.

Канон воскресен, глас 1:

Ирмос: Твоя победительная десница / боголепно в крепости прославися; / та бо, Безсмертне, / яко всемогущая, противныя сотре, // израильтяном путь глубины новосоделавшая.

Припев: Слава, Господи, святому Воскресению Твоему.

Иже рукама пречистыма от персти богодетельне исперва создав мя, руже распростерл еси на Кресте, от земли взывая тленное мое тело, еже от Девы приял еси.

Умерщвление подъял еси мене ради и душу смерти предал еси, Иже вдохновением божественным душу ми вложивый, и отрешив вечных уз, и совоскресив, нетлением прославил еси.

Ин канон, Пресвятей Богородице, глас тойже:

Припев (по обычаю): Пресвятая Богородице, спаси нас.

Кую Ти достойную песнь наше принесет неможение? Точию обрадовательную, ейже нас Гавриил тайно научил есть: радуйся, Богородице Дево, Мати Невестная.

Приснодеве и Матери Царя Вышних сил, от чистейша сердца вернии духовне возопийм: радуйся, Богородице Дево, Мати Невестная.

Ин канон, всем святым, в земли Российстей просиявшим, глас 8:

Ирмос: В Чермнем фараона:

Припев: Все святии земли Русския, молитесь Бога о нас.

Все в песнях духовных воспойм согласно во благочестии просиявша Божественныя отцы наша, яже изнесе Русския земли всяко место и страна и яже Церковь Русская воспитала.

Радуйтесь, святителие седмочисленнии: Василие, Ефреме, Евгение, Елпидие, Агафодоре, Еферие и Капитоне, в Херсоне епископствовавшии и землю нашу кровью своими освятившии.

Приидите, мучениколюбцы вернии, песнями почтим первоученики русския, Феодора и юнаго Иоанна, идолом не послужившия и крови своя за Христа давшия.

на утрени

Вели́чие на́ше и похва́ла ты еси́, Ольго богому́драя, тобо́ю бо свободихомся от бесо́вскаго прельще́ния, не преста́й и ны́не моли́ти за лю́ди, я́же Бо́гу привела́ еси́.

Ра́дуйся и весели́ся, ра́бе Христо́в, кня́же вели́кий и му́дрый Влади́мире, просвети́телю наш, тобо́ю бо изба́вихомся от душепа́губнаго идолослуже́ния, те́мже, ра́дуйся, вопие́м тебе́.

Сия́ет, я́ко звезда́ на небеси́, Бо́жий иера́рх Михаи́л, зе́млю Ру́сскую просвети́вый све́том позна́ния Божество́нныя ве́ры и Влады́це приве́дый лю́ди но́вы, ба́нею креще́ния обновле́нны.

Слава: **О** блаже́ннии страсоте́рпцы Христо́вы, кня́зие Бори́се, Гле́бе, и Игоре, и Михаи́ле с боля́рином Феодо́ром! Не забу́дите оте́чества ва́шего, глад и озлобле́ние отгоните, от грехопаде́ний междоусо́бий изба́вите ны.

И ны́не, Богородичен: **С** чи́нми Ангел, Влады́чице, со проро́ки, и апо́столы, и со все́ми святы́ми за ны, грешны́я, Бо́гу помолы́ся, Твоего́ Покро́ва пра́здник в Росси́йстей землѣ просла́вльшия.

Катавасия: Отве́рзу уста́ моя́:

Песнь 3.

Ирмос: Еди́не ве́дый челове́ческаго существа́ не́мощь, / и ми́лостивно в не вообра́жся, / препоя́ши мя с высоты́ си́лою, / е́же вопи́ти Тебе́ Святы́й: // одушевле́нный хра́ме неизрече́нныя сла́вы Твоея́, Человеколю́бче.

Бог сый мне, Бла́же, па́дшаго уще́дрил еси́, и снѣти ко мне благоволи́в, возне́сл мя еси́ распя́тием, е́же вопи́ти Тебе́, Святы́й: хра́ме одушевле́нный неизрече́нныя Твоея́ сла́вы, Человеколю́бче.

Живо́т ипостасный, Христе́, сый, в истле́вша мя, я́ко Ми́лосе́рдый Бог, обо́лкъся, в персть сме́ртную соше́д, Влады́ко, сме́ртную держа́ву разруши́л еси́, и мертв тридне́вен воскре́с, в нетле́ние мя облѣкл еси́.

Ин, Богородице.

Облак Тя лёгкий неложно, Де́во, имену́ем, проро́ческим возсле́дующе рече́нием: при́де бо на Тебе́ Госпо́дь низложѣти егѣ́петския прѣлести рукотворѣ́ния и просветѣти сим служа́щия.

В Неделю всех русских святых

Тя запечатанный источник и заключенную дверь воистинну лик пророческий именовá, дѣвства Твоегó, Всепѣтая, явственне знаменiя нам пишуще: еже сохранила еси и по Рождествѣ.

Ин, святым:

Ирмос: Небеснаго круга:

Проповѣдует преславно и пáче трубы вопиѣт великая Лáвра Печѣрская, тобою начало приемшая, óтче преподóбне, Антóние славне, всех россiйских монахов первоначальниче.

Воспойм свѣтло монашескаго общаго житiя в Рýсстей земли устроителя, блаженнаго Феодóсия, с ним и Нѣстора, достопамятных деяний списателя, и Алипия, живописания в Россii начальника.

Рай мысленный еси, Печѣрская святая горó, умножившая духовная древесá, блаженныя отцы, ихже исчестí по единому не могуще, о всех вкупе хвалу принесем Единому Владыце.

Антóние, Иоáнне и Евстафiе, твѣрдии исповѣдницы православыя вѣры, издрѣвле в земли Россiйско-Литóвстей насажденнии, молитвами вашими от зловредных иновѣрных мудрований соотчицей ваших и всех нас ограждайте.

Ходатаи будите за отечество ваше земное, Афанáсие преподобномучениче, и ты, óтроче Гавриiле, научите úбо и нас Православие дерзновенно исповѣдати и страха вражия не бояться.

Да почтiтся Иов преподобный, Лáвры Почаевския украшение, вкупе со всеми угóдники и чудотворцы Волы́нскими, дѣлы своими и чудесы облиставшии преславно земли наша концы.

Слава: Пѣсньми священными восхвалим Афанáсия, Цареградскаго святителя, свое благословение земли Россiйстей принесшаго и честныя своя мóщи, яко залóг единения со Вселенскою Цѣрковию, нам оставльшаго.

И ныне, Богородичен: Се время заступления Пресвятыя Богородицы прииде, умножившимся соблазном, се время наших к Ней воздыханий, о братие, рцем úбо от всего сердца нашего: Владычице, Владычице, помози людем Твоим.

Катавасия: Твоя песнословцы:

Ектения малая.

на утрени

Кондак святых, глас 3.

Подобен: Дѣва днесь:

Днесь лик святых, в земли нашей Богу угодивших, предстоит в Церкви/ и невидимо за ны молится Богу./ Ангели с ним славословят,/ и вси святии Церкви Христо-вы ему спразднуют,/ о нас бо молят вси купно// Превечнаго Бога.

Икос:

Едемскаго рая древесá доброплодная и красная явившася святии, цветы благовонныя учений и плоды дел творящии, от нихже души наша питаются и глад наш духовный утоляется, приидите убо, притецем под сень их и ублажим их, яко страны нашае отраду и украшение и яко жития образ нам и начертание, тии бо венцы прияша нетленные от Превечнаго Бога.

Таже седален святых, глас 7:

Нощней тьме огустевающей, умножается звездный блеск, и к тому очи заблуждших радостно возводятся. Тако и умножившейся на земли греховней тьме, возведем горе очи наши, братие, и, сияние духовных звезд, землю нашу озаряющих, узревше, к Небесному отечеству потщимся, егоже да не лишит Господь нас, грешных, молитвами святых Своих.

Слава, и ныне, глас 4:

Прিতেцем, вернии, к Божественней и цельбоносней ризе Спасителя нашего Бога, благоизволившаго сию Плотию носить и на Кресте Святую Свою Кровь излить, еюже искупил нас от рабобы вражия. Темже благодарственно вопием Ему: спаси Первосвятителя нашего и архиереи, Отечество наше и вся люди честною Твоею ризою защити и спаси души наша, яко Человеколюбец.

Песнь 4.

Ирмос: Гору Тя благодатию Божию приосененную,/ прозорливыма Аввакум усмотрив очима,/ из Тебе изыти Израилеву/ провозглашаше Святому,// во спасение наше и обновление.

Кто Сей Спас, Иже из Едома исходя, венец нося терновен, очервлену ризу имый, на Древе вися? Израилев есть Сей Святый, во спасение наше и обновление.

В Неделю всех русских святых

Видите, лю́дие непокоривии, и устыди́тесь: Егóже бо я́ко злоде́я вы вознести́ на Крест у Пилáта испроси́сте умовре́дне, сме́рти разруши́в си́лу, боголе́пно воскре́с из грóба.

Ин, Богородице:

Слы́ши чудес не́бо и внуша́й земле́, я́ко Дщи пер́стнаго у́бо па́дшаго Ада́ма, Бо́гу нарече́на бысть, и Своему́ Соде́телю Роди́тельница, на спасе́ние на́ше и обновле́ние.

Поём вели́кое и стра́шное Твое́ та́инство, премирных бо утай́вся чинонача́лий, на Тя Иже Сый сниде́ я́ко дождь на руно́, Всепе́тая, на спасе́ние нас, пою́щих Тя.

Ин, святым:

Ирмос: Ты моя́ кре́пость, Го́споди:

Первонача́льника и устройте́ля гра́да Москв́ы, блаже́нне кня́же Дани́ле, пока́зá тя Госпо́дь, к Немú же непреста́нно моля́ся, град твой охраня́й, зе́млю на́шу от бед спаса́й, правосла́вныя же ру́сския лю́ди посещáти ми́лостивно не престáй.

Мо́лим вас, святите́лие Христовы́ Пётре, Алексіе, Ио́но, Фили́ппе и Иннокéнтие, Фóтие, Киприáне и Феогно́сте, и вси прóчии Москóвстии чудотво́рцы: душе́вное смущéние и печáли на́шея бúрю разори́те и ти́шину́ нам пода́йте ва́шими к Бо́гу моли́твами.

И первопресто́льник Росси́йския Цéркве, и испове́дник Правосла́вныя véры, и обличíteль грехолю́бивых и мяте́жных, и строите́ль Ру́сския земли́ был еси́, святите́лю Ермоге́не, и за сие́ темни́цею и гла́дом мучим был еси́ и прие́м от Бо́га неувядае́мый вене́ц, со святите́ли и мученики весели́шися.

Ра́дуется сла́вный град Москва́, и весéлия исполня́ется вся Росси́я, на тво́я моли́твы наде́ющися, Сэ́ргие Богоблаже́нне, оби́тель же тво́я красúется, храня́щи честны́я тво́я мо́щи, я́ко сокрови́ще свяще́нное.

Пе́сньми свяще́нными восхва́лим преподо́бнаго Никона́, послуша́ния рачите́ля, с нимже воспо́йм Михе́я, Са́вву и Дионі́сия, Стефа́на, Андрони́ка и Са́вву и вся преподо́бныя учени́ки и собе́седники вели́каго Сэ́ргия, ихже моли́твами сы́нове росси́йстии спаса́ются.

на утрени

О премудрии и блаженнии Василие, Максиме и Иоанне Московстии и вси Христа ради юродивии Российстии, чуднии житием и разумом, молим вас прилежно: молити Христа Бога нашего за земное отечество ваше и всем верным спасение испросите.

Слава: Новый столпник в дебри Калужстей явился еси, преподобне Тихоне, и купно с преподобным Пафнутием, иночества строгим ревнителем, и блаженным Лаврентием ко граду Горнему в стране твоей путь верный проложил еси, на немже упаси и нас молитвами твоими.

И ныне, Богородичен: Подобием иконы Иверския не точною Афон просвещается, но и град Москва украшается и инии гради и веси освящаются, от той чудесную помощь приемлюще и источник утешения в ней обретающе, и нам, Благая Вратарнице, двери райския отверзи.

Кагавасия: Седяй в славе:

Песнь 5.

Ирмос: Просветивый сиянием/ пришествия Твоего, Христэ,/ и осветивый Крестом Твоим мира концы,/ сердца просвети светом Твоего Богоразумия, // православно поющих Тя.

Пастыря овцам великаго и Господа иудеи древом Крестным умертвиша, но Той, яко овцы, мертвыя во аде погребенныя державы смертныя избави.

Крестом Твоим мир благовестив и проповедав пленным, Спасе мой, оставление, державу имущаго посрамил еси, Христэ, нага, обнищавша показавый Божественным востанием Твоим.

Ин, Богородице:

Веселятся Небесныя Силы, зряще Тя; радуются с ними человеков собрания: Рождеством бо Твоим совокупишася, Дево Богородице, еже достойно славим.

Да движатся вси языцы человечести и мысли, к похвале человеческого воистинну убожения, Дева предстоит яве славыщи, верую Той поющих чудеса.

В Неделю всех русских святых

Ин, святым:

Ирмос: Вскую мя отринул еси:

Великаго Новаграда первопастырие, Никито, Нифонте, Иоанне, Феоктисте, Моисее, Евфимие, Ионо и Серапионе, и прочие чуднии святителие, в дому Премудрости Божия, яко финиксы, процвели есте, словесы благоплодными и непорочным житием.

Светло да похвалятся князие Новгородстии, Владимир, святыя Софии пречудныя устроитель, с материю своею Анною, и Мстислав, и Феодор, с ними же и вси от рода князей Российских житием богоугодным просиявши, Божественными да воспойтся песнями.

Дивнаго Варлаама, велика Новаграда славу и украшение, всероссийского молитвенника, и Антония славнаго, от ветхаго Рима на камени по волнам морским преплываша, Савву же, и Ефрема, и Михайла кто достойно прославит от земных?

Едемскаго рая, приидите, видим цветы присножизненные и богопрозябенныя, подвиги отец, в пределех Новгородских просиявших, ихже есть един Делатель Господь.

Всеволод короткий и Довмонт, Пскову стена неборимая, и Никола блаженный, и Корнилий преподобный, святым крещением чудь Ливонскую просветивый, песнями да воспойтся.

Веру Православную пред латины проповедавши, к вечным востекоса обителем Исидор пресвитер и с ним собор мученический во Юрьеве, граде Ливонстем, Царю царей ныне предстояще, молятся о нас, почитающих память их.

Слава: Авраамия богоноснаго, Смоленска украшение, и Евфросинию, радование Полотское и девам сияние, Христе мой, Тебе приводим молитвенники, ихже ради спаси нас.

И ныне, Богородичен: Заступница теплая иногда великому Новуграду была еси и ненадеющихся надежда и людей бедствующих Помощница, и ныне оком милосердным призри на нас и, скорби наша видевши и воздыхание услышавши, знамение милости яви нам, Пречистая.

Катавасия: Ужасошася всяческая:

на утрени

Песнь 6.

Ирмос: Обыде нас последняя бездна, / несть избавляяй, / вменихомся, яко овцы заколения, / спаси люди Твоя, Боже наш: // Ты бо крепость немощствующих и исправление.

Согрешением первозданного, Господи, люте уязвяхомся, раною же исцелихомся Твоею, еюже за ны уязвился еси, Христе: Ты бо крепость немощствующих и исправление.

Возвел ны еси из ада, Господи, кита убив всеядца, Всесильне, Твоею державою низложив того силу: Ты бо живот, и Свет еси, и Воскресение.

Ин, Богородице:

Предстоят раболепне Рождеству Твоему чини Небеснии, дивящися достойно Твоему безсеменному Рождеству, Приснодево: Ты бо Чистая и прежде Рождества и по Рождестве еси.

Воплотися прежде Сый безплотен, Слово из Тебе, Пречистая, всяческая волею творяй, безтелесных воинства приведи от небытия, яко Всесилен.

Ин, святым:

Ирмос: Воднаго зверя во утробе:

Евангельски Христа возлюбивше, преподобнии Зосимо, Савватие, Германе, Иринарше, Елеазаре и прочие Соловецтии чудотворцы, мира отвратитесь, в непроходимыя и пустыя острова Соловецкия зашедше, всякия добродетели образу навыкосте, мудрей пчеле подобящися, и селение, достойное прияти Духа Святаго, бысте, премудрии.

Великаго в чудесех преподобнаго Трифона воспойм, Лопарскаго просветителя, в последних концех северных стран от горькаго рабства бесовскаго люди избавльшаго и святым крещением возродившаго.

Радуйся, пустыне, прежде бесплодная и необитаемая, послежде же, яко крин, процветшая и инок множество возрастившая! Выиграйте, горы Валаама и вся древа дубравная, хваляще с нами Сергия и Германа, вкупе же и Арсения со Александром Свирским, отцы всехвальныя.

В Неделю всех русских святых

Жити́я сего́ непостоя́нную пучи́ну немяте́жно прешёл еси́, преподо́бне Кири́лле, ко́рмчую Ма́терь Бо́жию имéя, и ты, Ио́сифе, Во́лоцкая похвало́, и Ни́ле нестяжа́телю, на воде́ по́койне и на зла́це воздержáния учени́к ва́ших стада́ му́дре упасли́ естé, и ны́не с ни́ми моли́тся о чту́щих па́мь ва́шу.

Яко звéзды вели́кия, просия́ша в мона́шеских собо́рах Анто́ний Сийский и Три́фон Вятский, Димíтрий на Прилу́це и Амфило́хий и Дионíсий, похвала́ Глуши́цкая, Григо́рий Пельшемский, Па́вел, и Сёргий, и Корни́лий Волого́дстии, я́ко лучáми, сия́юще добродéтельми жити́я своего́, преподо́бнии.

Боговídно поживше, пусты́ни, я́ко гра́ды, сотвори́ли естé, Мака́рие, Варна́во и Тíхоне, Авраáмие и Генна́дие. Тёмже вку́пе с прóчими отцы́, в предéлах Костромских и Яросла́вских просия́вшими, ублажа́ем вас и мо́лим: моли́те Го́спода, да не лишít и нас егóже ны́не наслажда́етесь боговидéния в вéчном гра́де Небéснаго Царя́.

Слава: Ликуй, Фива́идо Ру́сская, красуйте́ся, пусты́ни и дéбри Олонéцкия, Белозе́рския и Волого́дския, возрасти́вшия свято́е и сла́вное о́тец мно́жество, чу́дным жити́ем всех наставля́ющее ми́ру не прилепля́йся, крест свой на ра́мена взяти и во след Христу́ шéствовати.

И ны́не, Богородичен: Твоею́ всечестно́ю ико́ною Тíхвинскою, ю́же вели́кая Росси́я я́ко некий дар Божéственный свы́ше благоговéйно прият, прíсно страну́ нашу, о Госпоже́ Цари́це Богорóдице, покрывáй и заступáй, спаса́ющи сию́ от всех навет вра́жиих.

Катавасия: Божéственное сиé и всечестно́е:

Ектения малая.

Кондак воскресен, глас 1:

Подобен: Егда́ при́деши:

Воскрéсл еси́, я́ко Бог, из Грóба во сла́ве/ и мир совоскрéсил еси́,/ и естество́ челове́ческое я́ко Бо́га воспева́ет Тя, и смерть исче́зэ;/ Ада́м же ликует, Влады́ко,/ Ева ны́не, от уз избавля́ема, раду́ется, зову́щи:// Ты еси́ Иже всем пода́я, Христé, Воскресéние.

на утрени

Икос:

Воскрéсшаго триднёвно воспо́им я́ко Бо́га всеси́льна, и врата́ а́дова стёршаго, и я́же от ве́ка из грóба воздвигшаго, миронóсицам я́вльшагося, я́коже благоизво́лил есть, прэ́жде сим, е́же ра́дуйтеса, рекий, и апóстолом ра́дость возвещáя, я́ко Един Жизнода́вец. Тёмже véрою жены́ ученико́м зна́мения побéды благовествуют, и ад стенéт, и смерть рыда́ет; мир же веселит́ся, и вси с ним ра́дуются. Ты бо по́дал еси́, Христé, всем Воскресéние.

Песнь 7.

Ирмос: Тебé умную, Богородице, пещь/ рассмотрим вёрнии;/ я́коже бо óтроки спасé три, Превозносимый,/ мир обновí во чрэве Твоём всецёл, // хва́льный отцёв Бог и препросла́влен.

Убо́яся земля́, сокры́ся со́лнце, и померче свет, раздрáся церкóвная божéственная завéса, ка́мение же расéдеса: на Крестé бо висит Пра́ведный, хва́льный отцёв Бог и препросла́влен.

Ты быв áки безпомóщен и уязвен в мёртвых во́лею нас ра́ди, Превозносимый, вся свободил еси́ и держáвную руко́ю совоскресил еси́, хва́льный отцёв Бог и препросла́влен.

Ин, Богородице:

Тя, Богородице, лёствицу Иáков прорóчески разумева́ет: Тобо́ю бо Превозносимый на земл́и яв́ися и с челове́ки поживé, я́же благоволи́, хва́льный отцёв Бог и препросла́влен.

Ра́дуйся, Чистая, из Тебé прóйде Пáстырь, Иже во Ада́мову ко́жу обóлкся во́истинну, Превозносимый, во всего́ мя челове́ка, за благоутрóбие непосты́жное; хва́льный отцёв Бог и препро-сла́влен.

Ин, святым:

Ирмос: Бóжия снизхождéния:

Леóнтий, Иса́ия и Игна́тий, Иáков и Феóдор, честни́и Духа сосóуди и Ростóву украшéние, Авраáмий, и́долом поклоня́вшийся ко Христú приведый, и Петр царéвич, и Ирина́рх, самопроиз-во́льный страда́лец, Кассиáн и Па́йсий, князь Рома́н и царéвич Димíтрий, и вси Ростóвстии и Угличстии чудотво́рцы божéст-венными да воспо́ются пéсньми.

В Неделю всех русских святых

Да величается Невский победитель, благоверный князь Александр, да поётся Георгий, воин храбрый и страдалец, да похвалится Андрей, первый Русския земли собиратель, вкупе со Глебом, юным сыном своим, да воспётся же и Авраамий мученик, града Владимира слава, Святыя Руси заступницы и Церкви Православныя украшение.

Феодору и Иоанну слава, Суждальским светильником, Симону и Дионисию! С ними да поются и Евфимий, в подвизех превысокий, и Евфросиния преподобная, пресветлая Суждальская звезда, вкупе же и Косма, на Яхrome реце подвизавыйся.

Песнь столпнику Никите, покаяния образ явившему, хвала и Даниилу, нищих и безродных согревателю, слава и Андрею, княжение оставившему и в нищетном образе житие скончавшему, Переяславским чудотворцем.

Константине княже, апостоле и просветителю Муромския земли, с Михайлом и Феодором, чады твоими, и Петре и Февроние, и праведная Иулиание милостивая, Мурома заступницы, вкупе же и Василие святителю и княже Романе, Рязани славо, о нас Христа молитте.

Тверская похвало, Арсение святителю, Михайле, княже и мучениче, и Анно, града Кашина сокровище, Ниле и Макарие преподобнии, Ефреме, града Торжка просветителю, со Аркадием и Иулианиею, цветом целомудрия, о нас Христа молитте.

Слава: Оружием ваших молитв, благовернии князие Феодоре и Давиде с Константином, и Василие, и Константине, Ярославля славо, охраняйте и ныне отечество ваше и людей православных от всяких бед и напастей.

И ныне, Богородичен: Яко благодатное сокровище даровала еси Святей Руси иконе Твою Владимирскую, еюже отцем нашим многочастне и многообразне благодяла еси. Не оскудей и ныне, о Мати Божия, утоляющи лютое на нас востание, и землю Русскую спаси.

Катавасия: Не послужиша твари:

Песнь 8.

Ирмос: В пещи отроцы Израилевы, / якоже в горниле, / доброю благочестия чистее злата блещахуся, глаголюще: / благословите, вся дела Господня, Господа, // пойте и превозносите во вся веки.

на утрени

Иже волею вся творяй и претворяяй, обращаая сень смертную в вечную жизнь, страстию Твоею, Слове Божий, Тебе непрестанно вся дела Господня Господа поим и превозносим во вся веки.

Ты разорил еси сокрушение, Христе, и окаянство во вратех и твердынях адовых, воскрес из гроба тридневен. Тебе непрестанно вся дела яко Господа поют и превозносят во вся веки.

Ин, Богородице:

Чертог световидный, из Негоже всех Владыка яко Жених произыде Христос, воспоим вси вопиюще: вся дела Господня, Господа пойте и превозносите во вся веки.

Радуйся, престоле славный Божий, радуйся, верных стеню, Еюже сущим во тьме возсия Свет Христос, Тебе блажащим и вопиющим: вся дела Господня, Господа пойте и превозносите во вся веки.

Ин, святым:

Ирмос: Победители мучителя и пламене:

Красуйся, граде Казань, имея молитвенники своя, преподобных святителей Гурия, Варсонофия и Германа, отгнавших от тебе тьму неверия, и Иоанна мученика, и Стефана, и Петра, отеческое нечестие оставивших и мученически в Небесное отечество прешедших.

Священнаго Писания от юности научився, богоносе Стефане, ралом словес твоих оляденевшая зырянских людей сердца возделал еси и Божественное семя в них всеял еси. Ныне же вкупе со святыми продолжатели дела твоего Герасимом, Питиримом и Ионою паству вашу и всю Русскую землю молитвами вашими ограждайте.

Веселися, Сибирская страню, в тебе бо Господь яви угодники Своя: праведнаго Симеона Верхотурскаго, и Иркутския святители Иннокентия и Софрония, и Иоанна Тобольскаго, новыя дивныя светильники и чудотворцы.

Радуйся, Иверие и вся земле Грузинская, торжествуи, Армение, воспеваючи равноапостольную Нину и Тамару, Григория Просветителя и иных многих, в странах Кавказских веру Православную исповедавших и ныне о земнем отечестве Христу молящихся.

В Неделю всех русских святых

Иерарше Богомудре Димитрие, житий святых списателю и подражателю оным ревностный, славы оных молитвами твоими соделай нас общники.

Святителю отче Митрофане, первый Воронежю пастырю, мужество велие явивый, прещения царева и смерти не убоивыйся и в простоте души свою спасый, моли Бога о нас.

Благословим Отца и Сына и Святаго Духа Господа.

Яко пчела, мед сладкий от цветов скороувядающих собрал еси, отче Тихоне, от тленного мира духовное сокровище, имже всех нас улаждаеши.

И ныне, Богородичен: Заступницу усердную восхвалим и честному Ея поклонимся образу, имже в новопросвещенной стране правоверие утверди и в годину лютую мать русских градов спасе. Сей и града святаго Петра великое сокровище, и вся земля наша преславное богатство.

Хвалим, благословим:

Катавасия: Отроки благочестивыя:

Таже, Честнейшую:

Песнь 9.

Ирмос: Образ чистаго Рождества Твоего/ огнепальная купина показа неопальная;/ и ныне на нас напастей свирепеющую угасити молимся пещь,/ да Тя, Богородице, // непрестанно величаем.

О, како людие беззаконнии и непокоривии, лукавая совещавше, гордаго и нечестиваго оправдиша, Праведнаго же на древе осудиша Господа славы, Егоже достойно величаем!

Спасе Агнче Непорочне, Иже мира грехи вземый, Тебе славим, Воскресшаго тридневно, со Отцем и Божественным Твоим Духом, и Господа славы, Егоже богословяще величаем.

Ин, Богородице:

Из корене Давидова прозябла еси пророческаго, Дево, и богоотческаго; но и Давида яко воистинну Ты прославила еси, яко рождши пророчествованнаго Господа славы, Егоже достойно величаем.

Всяк похвальный, Пречистая, закон побеждается величием славы Твоея. Но, о Владычице, от раб Твоих недостойных, от любве Тебе приносимое прими, Богородице, со усердием пение похвальное.

на утрени

Ин, святым:

Ирмос: О, дѣвства край:

О, благий просветителю и тихий ангеле Церкви Тамбовския, святителю Питириме, веселися о пастве твоей и всей Руси, в ней бо новая и вечная радость процветет, преподобный Серафим, дивный трудник спасения нашего.

О, святителие богомудрии Феодосие и Иоасафе, дивным нетлением от Господа прославленнии! Вами возвеличены есмь и мы, чада суще Церкви Православныя, в нейже и доньне Господь чудная являет и рабов Своих прославляет.

О, новый чудотворче Иосифе, святителю и мучениче! Град Астрахань и вся Поволжская страна тобою хвалится и почитает тя, за правду от неверных мятэжников люте пострадавша.

О, паче слова и превыше похвал святых страсотерпцев подвига! Злобу убо лютых отступников и наглое иудейское неистовство претерпеша, веру Христову противу учений мира сего, яко щит, держаще и нам образ терпения и злостраданий достойно являюще.

О, твердости и мужества полка мученик Христовых, от хинов лютых за Христа убиенных! Тии бо Церковь Православную украсиша и в стране своей крови своя, яко семя веры, даша, и купно со всеми святыми достойно да почтутся.

О, велицыи сродницы наши, именования и безыменнии, явлении и неявлении, Небеснаго Сиона достигшии и славу многу от Бога приемшии, утешение нам, в скорби сущим, испросите, веру нашу падшую возставите и люди расточенныя соберите, от нас, яко дар, песнь благодарения приемлюще.

Слава, Троицен: О, Троице Честная, прими, яже Россия приносит Ти, яко начатки и яко фимиам избранный, вся угодившия и прежде, и послежде в ней, знаемые и незнаемые, и молитвами их от всякаго вреда сию сохраняй.

И ныне, Богородичен: О, Дево Благодатная, грады и веси наша честнаго лика Твоего изображении, яко благоволения знамении, обогатившая, благодарение наше прими и от бед лютых отечество наше избави, вси бо Тя, яко Покров всемошный страны нашей, величаем.

Катавасия: Всяк земнородный: